

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae

Reuchlin, Johannes

Hagenoae, 1519

Cunradus Mutianus decretorum doctor, Cunrado Peutingero Augustano

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

plodas, & nos tuis amicis connumereres. Vale foelici auspicio literarum decus, & me te amantem redama. Prid. Kal. Septemb.

Hulderichus de Hutten, Ioanni Reuchlin S.

PER, æ, caput tuum oro, p̄r siquid hoc charius utriq̄, noli tristitia ominari nobis. Quid em̄ ista sibi uolunt̄ sin breui moriar, satis tibi resp̄debit uirtus tua. Noli me terrere obsecro. Noli ipse imponere necessitatem tibi, & illum refer animum quo solitus es ferendis aduersis uti. Multos ultro ferocientes formidulosus dux milites his querelis emollitos reddes. Ne tibi desis. Ne ardetibus pro te muliebre istud obstrepe sin breui moriar. Immo nō moritur qui sic uixit. Istis enim annis quicquid addes, lucro ac cesserit. Gloria abunde est. Sēsisti uiuens ea de te testimonia, quæ paucis prius mortuis cōtigerunt, ac ipse posteritati interfuisti tuæ. Quod ad me attinet, satisfactū meo in te studio arbitror, uel hoc solo quod inter Reuchlinistas numeratum haud obscure me uiderim. Pr̄inde cōfirma te fortissime Capnion. Multum oneris tui in nostros humeros translatum est. Iam pridem incendiū conflo, quod tempestiue spero efflagrabit. Ipsum te quiescere iubeo. Eos mihi adiungo militiæ socios, quorum & ætas & conditio, pugnae generi par est. Breui uidebis lugubrem aduersariorū tragediam è ridentium theatro exhibitari. Hæc diuersa opinante te melior. Neq̄ enim de me si recte suspicareris, ista scriberes. Noli deserre causam ueritatis. Egon̄ deseram aut hanc aut te huius ducē Modicæ fidei Capnion. Q̄ non nosti Huttenum. Immo si tu hodie deferas, ego istud (quantum per me fieri poterit) restitua bel- lum, nec mihi ignauos cœptorum comites arbitrare. His stipatus confortibus ingredior, quorum unumquēq̄ huic colluioni satis futurum putes. Capnionis præconium per ora uirum uolabit. Feres ipse & hinc & aliunde ingentem laudem extra periculum securus. Hæc uolui ne ignorares. Vale, ac integrum te nobis serua. Iterum uale. Bononiæ. Idib. Ianuar. Anno M. D. XVII.

Cunradus Mutianus Decretorum Doctor, Cunrado Peutingero Augustano.

A

NISI angusto temporis spacio septus essem, ostēderem tibi facundissime Iurisperite, pluribus uerbis plenam pietatem erga te uoluntatem. Velim igitur, ut paucis agam, tibi persuadeas me tui esse amantissimum, propter ingenii tui dotes, & generosam ac multiplicem doctrinam. Quod superest certemus inter nos officiis mutuae charitatis, atq; hac praefatione contentus, puto me non infirmum ad amicitiam gradum fecisse, si studiorum similitudines conciliant (ut certo conciliant) aios. Salutari hac hora numen meum principem doctissimorum Fridericum Delectorem Caesaris Augusti, & quod ad te daturus erat literas, non potui non aliquid attexere, quamuis triste quod uel festo die exultantes confunderet. Aiunt & quidem publice, Ioannem Reuchlin uirum summo ingenio, singulari doctrina, philosophum praclarum, Iuris & eloquentiae consultum, de bonis literis optime meritum, postulatum esse diuinae laesae Maestatis. Vah, tanti est uilis transfuga Iudaici sanguinis, ut Theologorum examen indocto, fallaci insidioso faueat. Proh Deus immortalis leuissimus *Leuissimus* tantas turbas? tantas ne tragœdias? Non feram, quantum in me est, non feram, tam etsi probe noui quod sit mihi curta supellex, tantum Germaniae lumē indicta causa extingui. Quasi uero Ioannes non habeat sententiae suae subscriptores bis mille. Illud à te peto, ut patrocineris pro uirili tua uiro eruditissimo, qui priscam Theologiam & Platonicos renouare pergit. Non ideo Antichristi praeco, non in Christum impius. Licuit in Iure civili Flauio scribae cornicum oculos configere, liceat etiam Ioanni nostro hanc Agyrin tangere, salua salute & facultatibus. Finem dolor facit, & iam Degenhardus festinat. Vale. Gothae raptim. XVI. Sextil. Anno M. D. XIII.

Chunradus Peutingerus Augustanus, Cunrado Mutiano Iurisperite.

EPISTOLA tua ad XVI. Kal. Sextil. data, multa me iucunditate affecit, cum quod elegans & erudita, tum etiam tuum erga me amorem, simulq; dolorem communis amici nostri Ioannis Reuchlin Capnionis conceptum à te insinuans. Ego ut tibi amore mutuo respondeam, quid dicam non satis habeo, amas me non meis meritis, quia tibi nulla impendi, non etiam eruditione